

ԳՆԵԼ ԳՐԻԳՈՐՅԱՆ. Նվիրատվութուններ Անիի եկեղեցիներին ու վանքերին (X–XIV դդ.). Մայր Աթոռ Սուրբ Էջմիածին, Մայր Աթոռ Սուրբ Էջմիածնի հրատ., 2002, 136 էջ:

Հայոց միջնադարյան հուշակավոր քաղաքամայր Անիի սոցիալ-տնտեսական, քաղաքական և հոգևոր-մշակութային պատմության հարցերը վաղուց ի վեր դտնվում են Հայ և օտար հետազոտողների (Ն. Սարգիսյան, Ղ. Ալիշան, Ն. Մառ, Հ. Օրբելի, Թ. Թորամանյան, Վ. Բարթոլդ, Կ. Բասմաջյան, Ս. Ավագյան, Թ. Հակոբյան, Կ. Մաթևոսյան, Դ. Ղիֆչիձե և շատ ուրիշներ) սեռն ունև ուշադրութայն կենտրոնում: Դա սլայմանավորված է X–XIV դդ. ոչ միայն Հայաստանի, այլև մեր տարածաշրջանի կյանքի տարբեր բնադավաուններում Անիի դժվար գերադնահատելի ավանդով: Թվում էր, թե Անիին նվիրված բաղմաթիվ ու տարաբնույթ հետազոտութայններից հետո անկարելի է այդ քաղաքի մասին նոր խոսք ասել, սակայն դրախոսվող մենագրութայնը եկել է մերժելու նման մտայնութայնը: Դրանում Գ. Գրիգորյանը գիտական շրջանառութայն մեջ եղած սկզբնաղբյուրների սպառիչ օգտադործմամբ և դրանց շուրջ եղած բաղմաբնութայն զրականութայն բարեխիղճ հաղվաումամբ ու համադիր քննութայնամբ մանրակրկիտ վերլուծել է ըստ Իբն ալ-Ասիրի և Մատթևոս Ուուհայեցու համապատասխանաբար ավելի քան 500 ու «Հագար և մեկ» եկեղեցի ունեցող Անիի կրոնական հաստատութայնների տնտեսական դործունեութայնը X–XIV դդ.:

Համարձակորեն մերժելով մեզանում ընդունված հետազոտութայն ավանդական եղանակը, որի հիմքում ընկած է սկզբնաղբյուրների եզակի տեղեկութայնների հարմարեցումը կոնկրետ դրութայնի հիմնավորմանը, հեղինակն արդարացիորեն շեշտը դրել է սկզբնաղբյուրների տվյալների քանակական վերլուծութայն վրա: Դրա շնորհիվ Գ. Գրիգորյանը հաղողութայնամբ գիտարկել է Անիի եկեղեցիներին ու վանքերին անհատ մարդկանց կատարած նվիրատվութայնների շարժը, պարզել պատմական կոնկրետ ժամանակահատվածում կայքի գերակշռող տեսակը, ինչքով հարուստ հոգևոր հաստատութայնները, դրանց կավածքների կառուցվածքը, եկամտաբերութայնունն ու զները, կայքի նկատմամբ իրավունքի հիմնական ձևերը, նվիրատուների սոցիալական կազմը և հարակից այլ հարցեր, որոնցից շատերը մեզանում առաջին անգամ են հատուկ հետազոտութայն աուարկա դարձել: Ասվածի հաղվաումամբ՝ Անիի հոգևոր հաստատութայնների վերաբերյալ մեր պատկերացումներն աուավել աուարկայական ու որոշակի են դարձել:

Գրախոսվող մենագրութայնը բաղկացած է աուաղաբանից, ինը ենթահատվածներից ու հետևութայններից: Այն օտոված է քննութայն արդյունքների հայերեն, ոուսերեն և անգլերեն ամփոփումներով, ինչպես նաև գիտական ցանկացած հրատարակութայնն անհրաժեշտ անձնաունների և տեղանունների ցանկերով:

Աուաղաբանում Գ. Գրիգորյանը հակիրճ արժևորել է X–XIV դդ. Հայաստանի կյանքի տարբեր ոլորտներում Անիի ակնաուու դերը, իրավացիորեն նկատելով, որ Հայաստանի հասարակական-տնտեսական կյանքում այդ քաղաքի դերը սպառիչ է չի ընկավի, եթե անտեսվի հոգևոր-կրոնական Անին: Դա օրինակափ է, քանզի Անիի ու նրա մերձակայքի եկեղեցիներն ու վանքերը տնտեսական որոշակի կարողութայնամբ օտոված հաստատութայններ էին: Անդրադաուուալով ոուսումնասիրութայն աղբյուրագիտական հենքին, հեղինակը նշել է, որ դրանք վիմական արձանագրութայններն են, մասամբ նաև մատենագրական վկայութայններն ու հնագիտական պեղումների արդյունքները: Ապա Գ. Գրիգորյանը ներկայացրել է Անիի վիմագրերի ժողովածուները և պեղումների արդյունքներն ամփոփող գրքերը՝ տալով

դրանց կազմողների և Հեղինակների աշխատանքի անաչառ գնահատականը: Անիի եկեղեցիների ու վանքերի նվիրատվական արձանագրությունների թվագրության հաշվառմամբ Գ. Գրիգորյանը եզրակացրել է, որ դրանց ժամանակագրությունն ընդգրկում է 994-ից մինչև 1340-ական թվականներն ընկած պատմաչրջանը: Այն բաժանելով երեք շրջափուլի՝ 994–1050 թթ., 1051–1150 թթ. և 1151–1340-ական թվականներ, նա նկատել է, որ դրանք ստույգ արտացոլել են իրենց ժամանակի ոչ միայն Անիի, այլև երկրի տնտեսական ու քաղաքական վիճակը: Դրա վառ վկայությունն է այն, որ առաջին և երրորդ շրջափուլերում նվիրատվություններն առատ են, իսկ երկրորդում թյուրք-սելջուկյան տիրապետության առավել ծանր շրջանում, բացակայում են: Նվիրատվությունները, ըստ իրենց բնույթի, Գ. Գրիգորյանը բաժանել է երկու խմբի՝ անշարժ և շարժական: Առաջինի մեջ մտել են գյուղերը, կալվածքները, այգիները, արտերը, տները, կրպակները, Հյուրատները, բաղնիքները, ձկնորսարանները, ձիթհանքերը և այլն, իսկ երկրորդի մեջ՝ եկեղեցական սպասքը, հարդարանքի միջոցները, ձեռագիր մատյանները, դրամական միջոցները և այլն: Նվիրատվության տեսակ էին նաև Անիի Հոգևոր Հաստատություններում կատարված շինարարական ու վերանորոգման աշխատանքները, որոնք ևս համապատասխան քննության են արժանացել:

Գրքում մանրամասն ներկայացվել են կարագրվել են Անիի կրոնական Հաստատություններին կատարված տարբեր նվիրատվությունները և պատմագիտական ու լեզվագիտական Հյուսկեն քննությանը համոզիչ փաստարկներով բացահայտվել վիճական արձանագրություններում հիշատակվող ավելի քան մեկ տասնյակ բառ-եզրությունների (կրպակ, բազըզնոց, փողոցկտեր, սագոն, տակառ, զուկակ, Սարիլ, կորդ, միլ, կապիճ, փնդուկ, կամար, խանապար, չարեք, կառնուտ և այլն) իմաստն ու նշանակությունը, ինչպես նաև մի շարք իմաստամոտ բառերի յուրահատկություններն ու ընդհանրությունները: Քաջածանոթ լինելով այս բնագավառում նախորդ հետազոտողների (Ն. Մառ, Կ. Բասմաջյան, Ս. Ա-

վագյան, Գ. Սարգսյան և ուրիշներ) պրպտումներին, Հեղինակը բարեխղճորեն արձանագրել է նրանց ավանդը և հարկ եզած դեպքում գիտական էթիկայի նորմերի խստիվ պահպանմամբ ոչ միայն բանավիճել նրանց հետ, այլև մատնանշել որոշ բառաքննություն-ստուգաբանությունների բուն Հեղինակին: Անվարան պնդելի է, որ Գ. Գրիգորյանի տքնաջան արպտումների շնորհիվ Հայ վիճական արձանագրություններում Հանդիպող բառ-եզրությունների ստուգաբանության, ինչպես նաև որոշ արձանագրությունների ընթերցումների սրբագրման դժվարին, բայց շնորհակալ ասպարեզում մի նոր առաջընթաց քայլ է կատարվել:

Աշխատության մեջ ցույց է տրվել, որ Անիի ու մերձակայքի բազմաթիվ եկեղեցիներից ու վանքերից խոշոր սեփականատերեր են եղել Զաքարեի ու Սուրբ Գրիգոր եկեղեցիները և որ այդ քաղաքի Հոգևոր Հաստատությունների տիրույթները ոչ թե միասնական կենտրոնացված համալիրներ են եղել, այլ Հիմնականում Այրարատում ցրված տարատիպ մանր տիրույթներ: Հեղինակը ներկայացրել է Անիի կառույցների (պանդոկներ, Հյուրանոցներ, կրպակներ, կամարներ և այլն) ճարտարապետական կերպարն ու դրանց կիրառական նշանակությունը, տների բազմաձևությունը, ինչպես նաև վանքերին ու եկեղեցիներին պատկանող տիրույթների կառուցվածքը, դրանից ըիտղ տիպերն ու այլ հատկանիշները և, մասնավորապես, ներկայացրել Հողատիրության ձևերը: Բացահայտվել է, որ Անիի Հոգևոր Հաստատություններին ընծայված շարժական, հատկապես անշարժ գույքը, իբրև կանոն, եղել է նվիրատուի կողմից նախապես գնված, ինչն իր հերթին վկայում է X դ. վերջերին – XIV դ. սկզբներին Հայաստանում և, հատկապես, վաճառաչ Անիում ապրանքադրամական հարաբերությունների խիստ բարձր մակարդակը: Ըստ Գ. Գրիգորյանի անվրեպ դիտարկման, դա նաև միջինասիական և մերձավորարևելյան քաղաքների հետ Անիի առևտրատնտեսական սերտ կապերի արդյունք էր: Այս առումով սլատահական չեն նշված տարածաշրջանների քաղաքների

Հասարակական-տնտեսական կյանքի Հետ Անիի քաղաքային կյանքի որոշ ընդհանրություններ:

Գրախոսվող աշխատության մեջ պատշաճ տեղ է հատկացվել X–XIV դդ. Հայաստանի դրամական համակարգի ուսումնասիրությունը, ինչը հեղինակին թույլ է տվել բացահայտելու եկեղեցապատկան ու վանքապատկան ունեցվածքի տարբեր տեսակների գներն ու եկամտաբերությունը: Ընդ որում, Գ. Գրիգորյանը սկզբնաղբյուրների նորագույն տվյալների հաշվառմամբ Թ. Ավդալբեկյանի կաղմած Հայտնի ցուցակում սրբադրամներ կատարելով ապացուցել է, որ քննվող ժամանակաշրջանում պատարագներն ունեցել են միջինը 20 դահեկան դին:

Ինչպես և սխալ էր սպասել, գրքում զգալի տեղ է հատկացվել նաև Անիի եկեղեցիների ու վանքերի նվիրատուներին: Նվիրատվական արձանագրությունների և հարակից այլ սկզբնաղբյուրների միջոցով հեղինակն ընդհանուր պատկերացում է տվել այդ մարդկանց մասին, որոնցից իր նվիրատվություններով աչքի է ընկնում Տիգրան Հոնենցը, և հնարավորինս ճշտել

նրանց սոցիալական պատկանելությունը: Համապատասխան ցանկից պարզվում է, որ Անիի վիմագրերում վկայված նվիրատուների քանակը հիսուն է: Նրանք ներկայացնում են հասարակական վեց շերտեր՝ սկսած թագավորից ու թագավորական ընտանիքի անդամներից, վերջացրած տարբեր մասնագիտության տեր հասարակ մարդկանցով:

Ընդհանուր առմամբ գիրքն ունի կուռ կառուցվածք և, աննշան բացառություններով, շարադրված է սեղմ գրելաոճով ու գեղեցիկ հայերենով: Այն ավելի կշահեր, եթե հատկապես մարզպանության հաստատության ինստիտուտին և, մասնավորապես, Վահրամ Պահլավունուն ու Զաքարե Զաքարյանին ոչ իբրև նվիրատուների վերաբերող հատվածներն ավելի կարճառոտ լինեին: Ասվածը, սակայն, չի նսեմացնում գրախոսվող աշխատության գիտական բարձր արժեքը: Մենագրությունը շահեկան ու մնայուն ներդրում է Անիի պատմության ասպարեղում և, վստահ ենք, հեղինակի ոչ վերջին արժեքավոր աշխատությունը հայոց միջնադարյան սլամավության գեոևս մութ ու խրթին հարցերի շուրջ:

ԱՐՏԱՇԵՍ ԵԱՀՆԱԶԱՐՅԱՆ